

鐘祥縣志

熊道琛署

中華民國二十六年
二月刊於首都



鍾祥詩徵卷一

樂府

石城樂

宋劉

臧質

書

生長石城下開窗對城樓城中諸少年出入見依投
陽春百花生摘插環髻前
指踢忘愁相與及盛年
布帆百餘幅環環在江津
執手雙淚落何時見歡還
大
編載三千漸水丈五餘水高不得渡與歡合離居
聞歡遠行去相送方山亭風吹
黃蘗藩惡聞苦離聲

莫愁樂

前人

莫愁在何處莫愁石城西艇子打兩槳催送莫愁來
聞歡下揚州相送楚山頭探
手抱腰看江水斷不流

莫愁樂

唐張祐

儂居石城下郎到石城游自郎石城出長在石城頭

鍾祥詩徵

卷一

樂府

一

石城曲

明王世貞

石城諸郎子結束種種新眼角多留媚是儂昨夜人
廣陵細腰女嫋嫋裁一束不
敢望同生一宵抱亦足

莫愁曲三首

前人

遠度碧桃花倚鞭白鼻騮客程無暇問先訪莫愁家
家家迎莫愁人人說莫愁莫
愁歌一字恰恰印心頭
十萬作纏頭莫愁不肯留銀缸黯欲盡翻為莫愁愁

石城樂

李夢陽

盈盈窈窕女當門是誰家十三學畫眉十五擅琵琶
邑中有盧家此女名莫愁向前
問此女女聞雙泪流二十嫁夫郎重門阿閣房
臨牕種桐樹五年妾身長自渠下揚
州置妾守空樓悔不快剪刀斷水不東流

莫愁曲

徐凝

玳瑁床頭刺戰袍碧紗窗外葉騷騷若為教作遼西夢月冷如水風似刀

麥枯謠

清魏繼宗

麥枯麥枯貧家之鵲富室之烏鵲道喜喜何有汝是貧民掃愁帚妻孥八口日食一缶缶之竭矣仰屋束手惟子之鳴斯厥明伊受烏之噪未爲殃嗟爾一聲閉我倉昔也閉我倉叩者若狂今也閉我倉門外羅張微汝之鳴斯胡爲乎羅張麥枯麥枯至尊賜田租上官急軍儲辛苦焦勞邑大夫謂我輸貸以輸二月之絲質已盡卯年之糧支無餘更遲幾日溝中孳麥枯麥枯煩爾疾聲呼

掛劍曲

向兆麟

好劍徐君胸中意許劍季子意中事使還便已判幽明死生存亡寧有二掛劍塚樹君莫嗤古人然諾原不欺

明妃怨

前人

莫恃顏色好黃金不賂畫工惱莫道畫工惡按圖索駿君王錯當時枉殺毛延壽明妃合是呼韓婦

鍾祥詩徵

卷一

樂府

二

腹中劍

前人

口中蜜腹中劍蜜能甘人腹劍能殺人斬唐宗社鉏李根却怪一夜煩十徙奸人到底猶怕死誰知死後棺復啟腹中有劍自殺耳

十六州

前人

父皇帝兒皇帝如此稱謂真奇異許輸絹許割地坐令中原失幽冀長面醜郎計真差先見早有劉都衙

投壘罵

前人

漢家璽藏長樂宮金匱玉函紫泥封不幸兩遭賊臣纂璽直抵地增悲歎元后罵聲悽咽知汝兄弟定族滅曹后罵泣且訴看汝披猖天不祚天不祚轉瞬四十一年中廢弑紛紛何多故

三人龍

前人

欲龍頭原龍腹寧龍尾三人一龍頭則偉有腹偏能庇故人有尾不屑登蒲輪有頭

弑后能破壁有頭葛巾能迎策噫歎秋玉潔淵澄君信否龍兮龍兮竟无首

常山髮

前人

顏家兄弟挺大節平原常山抗胡羯常山罵舌可截常山死頭可揭惟有怒髮不容
褻義士持之來上謁上亦感夢心悲切歸髮於妻疑難決髮忽躍動生氣勃有子購
尸啟幽穴同陷瘞者亦相挈有弟倡義真人傑權奸歷忤經百折賊庭致命已大耄
一門忠義千古烈下有河嶽上日月

迴波舞

前人

侍郎得與宮中宴迴波起舞何湫澗誰知波迴本無常翻身便附臨淄王參密議定
大計平章早入尙書第波迴蕩漾得通津細思芒刺終在背今人亦自善迴波曾無
芒刺可奈何

有鶚三章章五句

衛良佐

有鶚有鶚學宮側寺門老柏夜月黑嗚呼使人意回惑謹護泮林莫教棲如此惡聲

鍾祥詩徵

卷一

樂府

三

聽不得

有鶚有鶚學宮旁翩彼兩翼來何方人欲跡之身隱藏苦無好音一懷我自有鐘鼓
聲嗶嗶

有鶚有鶚學宮畔貪攫鳥子性鷲悍身所棲處宿鳥散白日無聲夜能鳴須知黑夜
旋復旦

劉節婦

李蘇

公姑無怒妾爲爾婦孤兒無啼爾母哺爾饑四十餘年公姑死兒已成名復有子堂
堂皤皤未亡人半生辛苦百年身

題李節母事略

黃維翰

天邊忽折雙飛翼山頭立化望夫石兒亡婦與俱遺此呱呱誰歡誰舖兩姑號節母
蘇忍死須臾慰厥姑俾姑有後孤不孤

冬朝一池冰濯姑身上衣秋夕一甌葍止兒腹中飢甕無餘糧篋無餘綺衣兮食兮

母十指

楹有書授兒讀兒能遠游心滋足望兒歸來臘已殘朝門暮閣淚汎瀾

兒落解母不悲兒得官母已逝白雲流天雨晦夕更求摩頂何由得悽愴述德文萃
崧表阡碑豈酬鞠子恩聊寄寒泉思

四言

郢中四景

明 沈文華

崇台巖業氛壓鴻濛烟光隱日樹色排空一矚千里江漢朝宗載歌古調卓載高風

陽春烟樹

危樓百尺勢奠重闔嵐光拂曙秀彼山中憂樂志迴登眺興新高調已矣我思古人

白城晴嵐

石崖玉立神鐫鬼鑿弗震弗驚崇墉鏐鏐春雨霏霏巖花自落億萬斯年永壯鄂郭

石城春雨

鍾祥詩徵

卷一

四言

四

瞻彼蘭台雄風徐來塵襟汎滌萬象昭回制觀氛侵德偃蒿萊百爾君子尙慎旃哉

蘭台午風

警別張閣學畫臣載臬司卯君

清 胡作柄

日歸日歸舉此別觴程路三千各天一方况予白首後會茫茫雲停吳越帆指荆襄
留欸日遠魚雁莫將願言思之月滿屋梁

雲下田四章章四句

高士熙

郎樞女樞十馬九駒我之懷矣非子之都
安陽大角十牛九犢伊予之疆誰失其鹿
耕天有村種彼苜蓿嗟嗟大宛列我西服
雲下之田曷其有年以黍以麥斯粥斯饘

郢中風俗

樊國楷

懿彼元日普天慶止盛服待旦日維敬止既祝既禱皇天我佑行香熒熒階之左右

青青松柏懸之在梁紙以覆之載赤載黃旭日未明獸環之聲躋彼高堂拜揖而行
元旦

月明元宵號之小年笙歌不息高燈萬千年歲何如質之紫姑兒女喁喁兩手持扶
長橋短橋行路遙遙問胡爲者曰不病腰童子夜半母命之宿來日蚤起往歸村塾
燈節

萬物發生社公是憑勿謂神小焚香鋪燈釀金設壇一竿半竿餛飩分惠捲切龍蟠
有客歌唱聲達漢濱曲高和寡白雪陽春南山有樸北園有椒賓旣醉止其樂陶陶
社日

清明拜掃曰朝先祖紙錢礮火雜以鑼鼓或坐駿馬或乘官轎便衣不改省却靴帽
亦有大族峨峨祠堂延請茂才藍衫贊襄祭田祖遺子孫世守美酒佳肴一家八口
清明

時維端午龍舟競渡弔屈靈均先生何處西城之隅丹榴一株花兆科名不爽錙銖

鍾祥詩徵

卷一

四言

五

艾虎繫臂雄黃灑地兼購蒲劍驅逐厲氣塾師具餐門人濟濟夕陽西墜狂飲未已
午節

今夕何夕雙星在戶悄無人聲蛙聲兩部旣曝我書又曝我衣笑彼南阮犢鼻一揮
畫閣洞開珠簾高敞乞巧天孫隨俗俯仰有月如鈎有雲如帶安排戰場蟋蟀大會
七夕

紙角金袋中元所需迎祖敬祖送祖於途山嶺水涯人影如麻燈放盒子衣化河沙
木蘭求母蘭盆倒懸發菩提心廣結善緣更撞洪鐘曰爲幽冥東坡說鬼妄言妄聽
中元

中秋夜月分外光明水晶供養一更二更落葉滿階奇花未胎東鼓琅琅人送秋來
重進社祠彌殷感戴向也春祈今也秋賽漏盡香殘寂寂無譁癡情富貴坐守月華
中秋

重陽節近風雨滿城適逢九日雲散天晴東門之東有山名龍帽纓牢牢不畏西風

秋糧畢納題糕賭韻催租無人何由敗興歲逢大比引領南望電音報捷驚喜欲狂
重九

季冬八日厥名地臘盍往觀乎吉祥古利申公傳戒頑石點頭謂無父母衣食焉求
載錫之衣袈裟翩翩載錫之鉢不觚而圓清磬一聲頂禮九拜而今而後大千世界
臘月

除夕有酒骨肉團圓上下左右舉家合餐沿門吉語新換桃符鳳尾聲兆滿地紅鋪
登高一覽萬戶生煙灶君初接分守歲錢拾芥引鍼誠求必應來歲消息懷鏡往聽
除夕

龍鳳花燭先以亭台五光十色輻奏天街矩布單衣謁二郎神豹虎不食民信之真
演劇百日一街一廟瘟疫不行酌神打蘸九日爲期作消寒計舊歲新年無歸不醉
補遺分
按四時

五古

鍾祥詩徵

卷一

五古

六

郢城懷古

唐李百藥

客心悲暮序登墟瞰平陸林澤宵芊綿山川鬱重複王公資設險名都距江澳方城
疑北門溟海窮南服長策挫吳豕雄圖競周鹿萬乘重阻障九鼎輕伊穀大蒐雲夢
掩壯觀章華築人世更盛衰吉凶良倚伏遽見隣交斷仍覩賢臣逐南風忽不競西
師日侵蹙運圯屬驅除時屯恣敲扑莫救夷陵火無復秦庭哭鄢郢遂圯墟風塵俄
慘黷狐兔時遊踐霜落日沾沐釣渚曲池平靈臺層宇覆陣雲蕤夏首窮陰黯荒谷
悵矣舟壑遷悲哉年代倏雖異三春望終傷千里目

餞郢州李使君

蘇頌

楚有章華臺遙遙雲夢澤復聞擁符傳及是收圖籍佳政在黎人能聲寄侯伯離懷
朔風起試望秋陰積中路凄已寒羣山靄將夕傷心聊把袂迢遞麒麟客

餞李郢州

王昌齡

寒江映村林亭上納鮮潔楚客共閒飲靜坐金闈闕幽意日入山暝來雲歸穴城樓

空春靄猿鳥倍清切物狀如絲綸止心爲予訣訪君東溪寺蚤晚樵徑絕

郢門秋懷

李白

郢門一爲客巴月三成弦朔風正搖落行子愁歸旋杳杳山外日茫茫江上天人迷
洞庭水雁度瀟湘烟清曠諸宿好緇磷及此年百齡何蕩漾萬化相推遷空謁蒼梧
帝徒尋溟渤仙已聞蓬海淺豈見三桃園倚劍增浩嘆捫襟還自憐終當遊五湖濯
足滄浪泉

遷郢

明高鑾

食何必膏粱居何必大厦衣何必輕裘騎何必駿馬豔豔金谷園至今無片瓦飄飄
冶游郎酒闌燈復燃結交一不慎歷歷乖大雅我來豫章郡驅車石城下聞道郢中
人曲高和彌寡

春日郢司理署中作

尹申

三日癖深居案頭塵一斛簷溜如許長積雪銷春旭眼厭短衣囚庭餘半死木未知
桃與李何處較紅綠數年多快游冥罰受羈束小食神仙字聊以砭凡俗

鍾祥詩徵

卷一

五古

七

郢中懷古

清許琪標

舉世尙同流蹇修不我語嬋媛美一人獨立誰爲侶宮苑颯生風梧楸遍砧杵宵來
江上行遠水縈孤緒懷王殊未知章華今禾黍

薤艸

楊佐國

官舍有艸可知地閒官舍薤艸可知人閒有艸不必薤盡薤艸不欲委人
庭無吏跡到苔向籬邊老青青滋蔓生風吹如帶繞閒來自剪摘幽光別孤抱忘却
手指勞但覺心目好生成本無私蕃育皆地寶取適主人情物性恐不葆念此轉脚
蹶芟來亦艸艸

課圃

前人

咨爾各胼胝殿最余較彰山蔬堪努力終畝生理長物性忌潦艸土宜別封疆夕灌
月連溼曉鋤露沾裳玉盤視野饌區畫頗周詳縱未經履畝即此課農桑人生貴食

力澹泊守家常古人戒素飡此意何可忘

印證篇贈吳二實存即送其歸里

向兆麟

一畫既已開菁英祕斯啟源遠流漸分誰為析端委我情懷古深為君陳終始在昔
皇頡氏蹠遠悟分理書契代結繩孳乳相生是嬗繼世雖殊因循無異軌周教惟六
書義類歸統紀大篆紹古文作述肇籀史上蔡率師心小篆別具體茂美百世宗雲
陽非其比漢興正踏譌未史集爰禮甄豐定莫詳賈逵修滋累叔重受達學說文得
精旨立一究萬原豈臬正日晷閒不無暇疵大致絕駸後儒議頗繁紛紛聚訟耳

古學日淪漸一綫印章在叶三代制鮮存通典三代之制人臣金玉為章龍虎為紐銘識多亥豕玉璽與

銅章羸劉嘆觀止六朝漸失真唐宋遞溺指吾趙稱彬彬趙子昂餘者或靡靡長洲

暨武陵顧從德窮蒐有根柢時好矜新奇法古每詆毀大雅應有作拔俗得吳子嗜

學廣搜羅精心謝弔詭釵頭鼎足重龍躍鳥震似妙筆過前人雕纖安足齒一葉溯

湘來顧子蓬藿裏解榻對秋陰挑鐙據棊几金石為具陳摩挲發狂喜如覩兩序藏

鍾祥詩徵

卷一

五古

八

球圖雜簠簋如聆六代縣鄭衛淫哇鄙遠志尤難量先賢矢登梓表章逮千年盛事

烏客已將伯庶可呼慙愚亟辨此異時有成書嘉會無窮祀秋高北風寒肅然戒行

李書劍下江潯片帆去何駛佇立咏蒼茫盈盈指秋水握手重丁寧古道期共砥

寄題蔣母鄭太君錦屏十八韻

楊亦溥

一粘寄衡陽親知失來往蒸湘春夏交尤覺水沈滂偶登台江亭估客到雙槳吾弟

適遇書開緘忽懷曩鄰有高才生少年大名榜尊公子舊游奇文早同賞二紀遺此

孤三遷有蒙養稟受饒英奇學問非勉強一凜母氏教重振詩禮響吾家子姪輩負

笈事函丈不忍吟蓼莪銜恤在心想每聽機杼聲堅請罷織紡母曰且任子兒實賴

此長四鄰聞最真列女傳可廣七月七日朝設悅北堂上里閭擬歌祝大節日星朗

書到促我詩懷風映齋幌壽以南嶽高看披夫人箋

過二亡弟江夏舊署

前人

兄弟本一身各天行遠客落落兩毡寒大湖分南北三年計偕來歡笑聚一宅家書

夙未了話言亘昔昔今年春將暮吾弟忽病亟瘞玉即家丘盡室歸鄉國我舟今艤
此無復舊人跡愁積前山低淚傾長江窄華屋生存處新主已當席過門難側目低
垂心悽惻

臨汝店紀夢

江鼎金

予家居需次適有秦中之游道經汝州連朝烈風不休僕馬俱疲擬登崆峒
浴溫泉不果是日上午止宿臨汝店未昏輒就寢夢先大夫示予以忠孝大
義并示予以詩學十六字云詩以故實爲體流動爲用流動爲體故實爲用
言訖予夢覺驚魂甫定披衣起命奚童張燈坐爾時風靜月明四顧寂寥默
繹夢中之語悲不自禁謹和淚濡墨書之以誌不忘

我向秦中游道經汝州水終風噎且霾僕馬隨之靡崆峒山自高溫泉水自瀾驅車
不記塵日午早停軌客子厭風塵未昏輒隱几杳冥須臾間夢侍先君子衣冠坐堂
皇面命言提耳人生兩大事忠孝無二理君父可無慙芳名垂青史予聞動深省凜
凜未敢齒父曰子來前詩學還授爾十六字真詮字字屈一指警然魂魄驚目瞪顙
盈泚涕泗呼奚童張燈疾舒紙敬將夢中言一一援筆紀乘月步空庭悲歌陟岵岵
嚴訓宛如生風木恨未已

鍾祥詩徵

卷一

五古

九

即事示子姪

前人

朝聞剝啄聲整冠出相近忽見白衣人持書云求價今古文千篇手錄幾春夏密點
與濃圈呬晤窮晝夜百錢即出售我爲驚且訝客來前致詞此家貧亦乍伊昔隆盛
時圖史置滿架後裔非不才學書未學稼學書不成學稼恥居下耕讀兩無着飢
寒誰汝赦文字不堪煮周急乏姻婭持此謀朝饗單豆甘笑罵予聞動深思時序有
代謝胡爲寒至此落魄鬼所詫人生貴自立天道不少借熟讀七月詩周公豈我詐
鍾祥王進士全臣求志其母墓詩以送之

金德嘉

王郎采芹初其髮甫覆額濟楚章縫間函經趨講席賓興丁卯秋籍甚賢書冊甲戌
售南宮雲霄見羽翮峨峨進賢冠方式南征輒行行及里門慈親已易簪愴惻游于

懷觸事感疇昔寢苦烏鳥號食若鹿麀齧萱階度夕陽惆恍恫心魄上堂侍嚴君屏氣滋踧踖奉敕營阡壟卜云石門眷泉下發幽光礪厥南山石丐言匪踰涯所蘄質且數千三百里舟東向草堂泊老夫久杜門蓬蒿三徑僻執手話舊游騷壇俱陳迹聚散良可念矧茲孝思迫鉛槧慰所求副本度諸祐勉旃行道身孝思永無斃

哀麥秋

魏繼宗

庚辰歲維夏麥秋時乃至三農望眼枯涿鎌日以俟濡雨不肯晴既望猶倉翠爰有蠕蠕虫類蠶而差細有光淡於漆有啄銛於刺有足急於郵有儕紛如織一嚙披厥芒再嚙顛厥穗萬頃不須夾莖莖秃以峙我農顧之泣眼血滴成淚去年罹凶旱墟里無烟氣有孳積邱山六親瞪相視或有能呻吟怯此微風吹何處乞還丹惟此來牟是况復桓將軍奉命滇詔地月餉百餘石勒兵需糗糈縣宰急征收羽書日再四所望此物豐市易輸官吏餘者飽妻兒暫緩溝中棄嗟盡何貪殘饕饕恣所噬充爾腹幾何翦除遂無類顧此摧心肝微生何所寄微生既堪憐民牧更憂悴

鍾祥詩徵

卷一

五古

十

感懷

前人

十載學釣鰲技成無所試坐把長竿釣調餌日再四側聞任公子一釣六鰲出丈夫志遠猷圖難不圖易

棄婦詞

前人

結髮爲君婦恩愛如可保方其矢同心所願在偕老事君苦無狀積漸令君惱作家遂鮮終訣絕在中道笑語溢蘭房知共新人好與妾初來時君心同傾倒願與新人言自謂妾曾狡新人正芳年竊恐傷懷抱

雜詩二首

前人

君無矢噉日噉日有時馳君無比磐石磐石亦可移君心諒不改妾無常少姿浸假君爲妾玉貌忽鷄皮浸假妾爲君眼能辨妍媸苟不欲德音安保無參差
虎豹棲深山願得草木長草木巢禽獸穢我文斑傷所託苟如此何如棲童岡

石城望西山

林修

春禽聲乍園春柳綠新吐抗策臨江樓褰衣率水滸石城鬱崔嵬晉代留梵宇莫愁
歌悠揚千秋擅樂府林幽花放遲寺靜鐘鳴午片片雲欲流歷歷帆堪數淺浦漾白
沙晴風媚深樹匡嶂狀屢殊青翠絢若許儼然泉壑游豈必猿鶴伍結想諸峯間踟
躕空延佇

前題

孫世焯

春風滿四郊隙光驚環堵游興偶相攜良朋恰得五漢江敞高樓靈光獨餘魯風流
緬古人勝蹟探羊祜裘帶渺何存溪鱗清可數亭邊雲欲飛漢外山當戶嚶嚶出谷
禽歷歷沿江樹山光與水光掩映恣仰俯風信逼天桃游人競媚嫵憑眺寄遙心剩
作三峯主

前題

劉坦

潑潑澗底鱗翩翩雲中羽飛潛信天機詎爲塵櫻苦春容麗郊垞暇日暢儔侶緬彼
西山岑如對靜者處賞心不賞音相得無相與崢嶸入懷端曠朗接眉宇落暉在高

鍾祥詩徵

卷一

五古

十一

亭指歸塗里許半壁仰石城千秋慕羊祜江漢百尺樓江光自吞吐經過屐齒存風
雨苔斑古

前題

讀諸子前詩仍用七
虞韻時余北上未與

李兆鎮

興發每登樓深情頻弔古楚王風入懷郢客調偏苦歲月漢江流衣冠草木腐烟花
隱莫愁魚鳥悵交甫荒徑稀輪蹄危窓有撐柱開窗邀白雲列岫橫清浦地迴雙眸
醒詩成一切吐潭空古鐵浮石製媧皇補我愧走風塵長吟欲起舞高閣時披襟往
來看牧豎

龍山晚眺

胡作相

侵晨過東郭風物供清覽薄暮人影還奇絕幽襟澹石確鬪疲足小憩立山頰返照
凌春波嬌紅類菡萏梵宮漾金碧江嶂色可攬垂天一萍實青山脚未敢塔勢如長
人跂足欲爭啖須臾變雲霞俯仰幻心膽暝色載歸衣餘情付鉛槧

梅仙亭咏竹

胡作相

青青凌艷陽猗猗諳霜雪植近仙子亭孤標何超越虛中任自然生意故無歇逍遙
游物外不垢亦不折葱翠綠雲流杳靄清輝澈微風自天來鏘鏘鳴玉玦餘蔭存延
攬天趣致搖曳風定逸響收森若端拱列澹然淨俗氛相對滋怡悅

龍山松下歌

胡作柄

山上何所有蒼蒼多松樹山下何所有擾擾多歧路松樹明人眼歧路亂人心與其
泣歧路勿若臥松林古之賢達士往往避風塵科頭復箕踞看他世上人

十二月十五夜楠木山玩月同蔣徙于楊蘭賓

胡作柄

殘臘愛明月策杖資獨游行行玉鏡中兩兩獲良儔欣然共跋涉月色先高邱沉沉
一年內幾見月當頭况茲歲云暮輒爲霜雪愁皎皎無塵翳心脾曠且幽呼童取美
釀彼此相獻酬邀影成六逸此樂非夙謀因之問明月今古誰長留

十六夜楠木山玩月兼嘲徙于蘭賓

胡作柄

空堂已二更月色忽皎明不負昨宵約感茲蟾兔情興來成孤往斟酌在崢嶸盜無

鍾祥詩徵

卷一

五古

十二

風露冷已覺春氣盈是日立春拍手發狂歌聊以答太清忽逢邏卒至舉杯勸一傾二客
不能從何嫌偕老兵

郡博齋中貸米有作

杜世英

拭几坐晨齋展卷細搜刮息心證道原意象空諸有正當靜悟生家人語窓牖云今
斷午炊巧婦應束手聞此起推書撚鬚徘徊久再食否則飢胡以處八口含笑揮素
毫裁詩寄良友冀以夙所春假我三五斗緩茲急之需酬答賓客後

遊子吟

周永錫

父母別時淚遊子衣上痕未忍加浣濯歸期何可言怕望石城上高峯滿落暉

郢南憫荒

彭洪

戊戌歲云荒魃虐不可湔金烏赤刮地寸草枯欲燃秋糧無顆粒坼裂山湖田窮鄉
小戶子忍餓手相牽覓食有老婦衰翁尤顛連自冬飢徂春擾擾奔路邊挖土泉亦
竭剝膚樹不全充口日無給面目如煤烟蓬髮作鬼語過午猶僵眠天意不恤死寒

雨忽綿綿頽窳及敗寺情狀真可憐我從飽食後觸目心如煎痲瘵須一體寧不愧
聖賢黽勉勸鄉黨有餘皆可捐一勺拯一命何爲吝金錢我以棉力倡敢謂陽春偏
人生非螻蟻諸公同惻然

郢城雪夜有懷

李治運

狂飈振曲幕飛雪入虛竇索索紙窓鳴燈影凄以瘦殘鱗墮無聲丙夜玉龍鬪烹茗
走僊僮翻雲攜滿袖不敢奉簾看凍粟愁生脰此時素心人高臥袁公舊豈弗愛桑
落羊裘不可傲亦能工白戰呵筆無祗候而我撚微髭吟成賈不售白霓萬玉妃今
夕從奔走同雲壓女牆想像何須覩酒醒掩關臥不寐數寒漏

郢城贈潛江學博楊君

葉重熙

燕公來衡湘寄跡亦偶爾詩成若有神山川默驅使况子生其間鍾才尤奇傀振鐸
潛之涓人呼楊伯起跋予望鱣堂相去不盈咫郡署嗟伏雌邈如隔弱水春樹鳥嚶
嚶空庭折花蒿搔首暮雲停思君渴欲死忽剖雙鯉魚得詩滿溪紙光怪爍我目信

鍾祥詩徵

卷一

五古

十三

佩聲我齒冷冷發孤響古調操綠綺一讀喜且狂再讀感入髓摯語結神交神交已
如此願言隨春風繞君烏皮几

送郡伯敦厚齋先生之秦中廉訪任

金維岱

瞻雲喜公來攀轅惜公去公去有輝光迢遞秦關路丈夫際清時經綸快展布卓行
麟趾仁巍望鳳苞翥淑問如臯陶邁種德早具明刑勳帝廷更以無刑著我本疲鷲
姿幸邀伯樂顧拂拭非不勤假蹇慚追步所恃氣誼孚交等金石固祝公作舟楫巨
川資利渡祝公作霖雨大旱沛甘澍庶幾履坦途慎若六朽馭冰心我素知圭角期
勿露即今苦寒月起居善調護簡書豈不嚴安車屢徒御公行將有期我神已先赴
何以慰相思深情託毫素

估客樂

杜官德

估客訪市價願長不願落朝看襄陽發暮指石城泊停橈起百貨欲向此邦託此邦
人素黠故言客貨弱賣假不賣真反乃爲戲謔回頭問火伴沉吟不即諾上客金最

多贏絀幸自度夜來算緝本未肯特蕭索天明訪前津雲水共漠漠辛苦抵鄰封鄰
封俗更惡知從上流來售價不如昨火伴得聞之駭然惟驚愕估客自躊躇利微本
返削日暮履江邊潮平渚漸涸明月載滿船江天同寂寞俯愧心計拙仰嘆世情薄
估客今如此誰謂估客樂

省試後歸郢中舊齋得五言三首

劉學池

豐城埋神劍市上鬻金盃經時鄂渚歸移步到門緩豈無同舟人人各抵家散堂前
生綠苔蠨蛸結空館敗書走蠹魚屋裡秋思滿拂我舊時座榻我斑竹管未審遺前
愁只恐添向嬾

去時蟬聲送來時蟋蟀鳴差有搖曳意幽竹山川橫且娛目前景欄外理金英鄰翁
把麥種兩犢勤深耕昨日催租吏速我到山城謂我一何適乃無世俗情我豈無一
事長歌對短檠

野人村甕香知是重陽近楓葉面面丹黃花無俗韻安得白衣來特致江州醞我非

鍾祥詩徵

卷一

五古

十四

陶淵明此念亦過分開窓視新月雨後生微暈一雁過南樓嘹唳含悲憤裁書雁可
傳漠漠欲誰問

弔郢中張亦樓

張開東

亦樓當盛年誰謂忽凋喪芳顏若朱英秀眉同玉朗連嫺方伯家

謂杜氏

列籍辟雍望

何人傳此音我聞驚恟恍此人豈貧賤子身尙骯髒汝翁

謂澹菴先生

與杜父

謂敬菴前輩

恩

義交倚仗結鄰從竹山聲華出林莽杜氏耀朱門汝翁懸絳帳自我陟蘭臺奇文共
忻賞老成倏云亡莞莞憐汝狀我復入郢中春風蕩兩漿聽汝抒愁思疊起如波浪
匏繫不能安遠游爲惆悵遽辭老母行忍別妻孥往弱女瓊瑤姿爲我屬似相束裝
走京華聊以資俯仰送我西門橋春草綠漾漾橋水東西流回頭轉相向蒼天非不
高大地亦何廣如何俊偉人抱窮守鄉黨我九門尊炎炎青雲上如何令游魂不
得返故壤汝女我爲字汝兒舅所養

舅謂杜虹山也

汝櫬當歸來親朋爲汝葬嗟我遠離人

不得視汝壙汝母賢且壽報劉終不爽地北與天南何處還相訪人生奔名利誰能

脫塵網我將乘浮雲不作人世想

居石牌數世惟先人敝廬而已今子弟修林亭既畢予名之曰詒園作五古一章示之

吳晟

早藏入市塵逐逐多經營乃將詩書業廢然成久停漁利吾不敢所積亦星星何以
啟子孫猶是專一經築園非吾志聊得花草馨花草溢天趣觸目構新亭林巒亦井
井水石頗縱橫爲山取磊落種樹愛敷榮吟風與弄月將以淑性靈吾爲後人計切
勿樂羶腥管弦踵豪侈矜看荆棘生好記竹窗下展卷燈熒熒

郢中雜詠四首

韓枚

飛鴉集泮林斯言載魯頌謂是文明鳥世人殊夢夢嗟我獨不然聞聲心輒痛物無
反哺情音好亦安用蓬島翔青鸞阿閣巢丹鳳鶯鶯鳴岐山品格自矜重爾鴉成何
物豈堪將伯仲胡爲賢達人目作蜚鴻送鴉因自驕矜兀岸傲凡衆豈知挾弓兒早
把彈丸弄

鍾祥詩徵

卷一

五古

十五

滔滔江漢水東流日不已波漲鴨頭綠浪逐桃花駛吾鄉古澤國河流本順軌而今
二十年堤潰江上屢桑田成滄海汎濫及塵市狐兔遁入城紛紛交蛇豕民生日以
蹙民風日以靡誰爲挽狂瀾一作中流砥

古人尙正聲對客歌白雪一歌楚山青再歌江月白歌者既不厭聽者自怡悅今人
尙新聲不厭箏琶聒一唱百人和曾不差毫髮古今相去幾邪正隱然別遂令古法
曲有如廣陵絕我能操土音爲君歌不惜只是聽者誰一笑退卷舌

亭亭百尺桐森如玉竹立柱材爲琴瑟資枝有鳳鸞集我昔愛此樹摩挲不忍釋仰看
無附枝生理本來直人何不如物厥心藏叵測

擬顏延年五君詠

黃本敦

步兵雖沉面澄心自空洞屬文非苦思論物但微諷杖策訪隱淪博古渺庸衆詠懷
八十餘讀罷臨風痛

阮步兵

中散非絕物稟性本殊人海濱音未寂京師望如神養生任鍛鍊採藥隨酒淪龍鱗

與鳳翼攀仰自柔馴 薛中散

參軍德自修酒頌今古見聲銷耳不鳴迹滅目無眩驅車信蕭閒提壺詎荒宴笑傲
竹林間煙雲隨隱見 劉參軍

始平才不羈獨秉五行秀特符草殊俗操尺辨雅奏折節郭奕親心醉山濤親在官
妙絕時萬古賢太守 阮始平

常侍真散逸懷清更抱素微探馬啼篇奧索秋水句山陽恣遠游洛邑任高舉黃河
泛扁舟興寄思舊賦 白常侍

憶母祠

前人

羅威昔養母瓜果必親遺孟宗母嗜筍寒冬生竹籬爲子不遠游古人有明辭人生
膝下歡遽遽欲何之憶吾甫歲餘莞莞爲孩兒阿母形影單撫育獨含悲熊丸而荻
畫道兼嚴與慈罔極恩未報忽忽別庭闈衣冠堂前拜阿母言可思曰兒年逾冠半
日未分離今朝走天涯調護當誰依兒是久病人夜寒善自持大兄燈窗苦風順鴻

鍾祥詩徵

卷一 五古

十六

毛飛二兄念科名亦當來帝畿甘旨兒無慮室家亦皆宜兒應加餐飯我頭兩鬢絲
努力青雲志慰我遠大期送兒強開顏言盡涕泗垂匆匆歲華過寂寂鄧禹嗤陶侃
無鮮寄崔邠無輿隨朔風砭人骨瑟瑟四壁吹當兒憶母日是母念兒時憶母淚滿
衫念兒淚可知母年五十九輓辰三載違心思集萬重禱祝竭寸私祝母壽而臧清
操彤管輝再祝兄并仕紫誥白髮怡兒欲爲親喜一官未嫌微北堂有萱草篋中檢
萊衣孟郊游子吟一讀一歎歎

感事三首

胡志章

馬上誰家子氣勢何強梁足下雙行躡手中半段槍關吏偶詰難軍符印煌煌閒道
歸故里親戚半在亡解我腰間橐卸我馬後裝羅綺色黯淡金珠光琳瑯爲言出門
樂飢渴分固當耳目所愛玩可以意取將安能守耕鑿老死歸北邙

東家歸客喧西隣客又至疊騎載小妻入門毗承淚不怪顏色悽但惜語音異親戚
聞客歸酒肉走相饋里正聞客歸笑語戒深闕明日仍出門室家託蔭庇功名非所